



**FYLKESMANNEN
I ROGALAND**

Dykkar ref.:

Vår dato: 27.06.2014

Vår ref.: 2014/7059

Arkivnr.: 111

Innovasjon Norge Rogaland
Postboks 8034
4068 STAVANGER

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00

F: 51 52 03 00

E: fmropost@fylkesmannen.no

www.fylkesmannen.no/rogaland

BU-tilskot til etablering og vidareutvikling av frukthagar i Rogaland

Vi viser til vårt oppdragsbrev om strategisk bruk av dei bedriftsretta BU-midlane i 2014. I brevet viser vi til at Rogaland har potensiale for auka produksjon av frukt og at det vil bli utarbeidd eit kriteriedokument for **BU-tilskot til etablering og vidareutvikling** av frukthagar, gjeldande frå 1.august 2014.

Kriteria er no klare og følgjer direkte inn i dette dokumentet på side 2 og 3.

Vi legg til grunn at Innovasjon Norge Rogaland tek kontakt med både oss og fruktnæringa, dersom erfaringar og andre omstende skulle tilseie trong for å revidere kriteria.

Med helsing

Hadle Nevøy
landbruksdirektør

Geir Skadberg
ass. landbruksdirektør

Dokumentet er elektronisk godkjent og har derfor ikkje underskrift

Saksbehandlar: Geir Skadberg
Saksbehandlar telefon: 51 56 89 92
E-post: fmrogsk@fylkesmannen.no

Kopi til:
Rogaland Bondelag
Rogaland fylkeskommune
Rogaland Bonde- og Småbrukarlag
Rogaland fruktdyrkarlag

Kriteriedokument gjeldande frå 1.august 2014;

BU-tilskot til etablering og vidareutvikling av frukthagar i Rogaland

1. Bakgrunn

Det skal produserast meir mat i Rogaland i åra framover og auka fruktproduksjon er ein av strategiane for å få til dette. Auka fruktproduksjon krev fire hovudingrediensar; menneskjer, areal, kapital og marknader. I 2014 er kan hende tilgangen på menneskjer det mest utfordrande – personar som vil utvikle ein lønsam og verdiskapande fruktproduksjon – kor målet er at fruktdyrkinga skal bli ein vesentleg del av inntekta på garden. Desse satsarane må også ville satse profesjonelt – ved å knyte til seg fagekspertise og utvikle sin eigen fruktdyrkarkompetanse. Marknadane er gode og prognosane likeeins for åra framover.

Etablering og vidareutvikling av frukthagar er kapitalkrevjande og – bindande. Denne tilskotsordninga har som mål å utløyse auka fruktproduksjon i Rogaland.

Fylgjande satsar blir lagt til grunn for godkjende kostnader;

| | | |
|---|-----------|-------------------|
| - Rydding av frukthagar | inntil kr | 12.000 per dekar |
| - Planting av kjernefrukt; eple og pære | inntil kr | 75.000 per dekar |
| - Planting av plomme | inntil kr | 50.000 per dekar |
| - Planting av moreller | inntil kr | 100.000 per dekar |
| - Hjortegjerde | inntil kr | 50.000 per dekar |

Tilskotsordninga er heimla i mål 7 i den strategiske planen for landbruket i fylket - *Regionalplan for landbruk i Rogaland*.

2. BU-tilskot til fruktsatsinga og eigeninnsats

Nyetaablering og vidareutvikling av fruktfelt kan finansierast med BU-midlar. Avhengig av karakteren av tiltaket, kan det det løyvast inntil 33% tilskot av godkjent kostnad for konvensjonell dyrking og inntil 50% tilskot for økologisk dyrking. Søknadane skal leverast inn elektronisk via www.innovasjon Norge.no. Arbeidsfrista er 3 år frå løyving. Utbetaling av tilskot skjer etter Innovasjon Norge sine standardvilkår.

Eigeninnsatsen kan godkjennast med inntil kr 350,- per time for eige arbeid med rydding, tilrettelegging av arealet, planting, oppføring og oppbinding.

3. Fylgjande tiltak kan takast med i kostnadsgrunnlaget

- Ryddekostnader; ymse tilrettelegging av areal for nyplanting og arbeid med rydding av gamle tre. Det kan berre gjevast tilskot til rydding dersom nyplanting av tilsvarande areal inngår i planen. Arrondering av arealet og vedlikehald av grøfter blir ikkje godkjend.
- Plantekostnader; planter, plantearbeid, oppbinding og evt. dekkssystem og vatnings- og gjødslingsanlegg.
- Dersom ny kjøle eller utvida kjølekapasitet er føresetnad for å kunne gjere nye investeringar, tek søkar kontakt med Innovasjon Norge for vurdering om dette kan inngå i kostnadsgrunnlaget.
- Andre kostnader; oppføring av hjortegjerde, fadderordning, andre kompetansetiltak.

4. Kriterium for å stimulere til auka fruktproduksjon

Kriteria for denne ordninga er;

- Planane må bygge på tett-plantingsprinsippet med tilrådde tretal per dekar, etter råd frå Norsk landbruksrådgiving.
- Det skal leggjast stor vekt på at sortar/kulturar og dyrkingssystem er framtidsretta og at dette skjer i samråd med det aktuelle fruktmottaket og rettleiingstenesta.
- Arealkrav;
 - **Nye dyrkarar** skal i sin driftsplan leggje opp til ein samla produksjon på minimum 20 dekar. Det kan delast opp, men i den fyrste aktuelle prosjektperioden på 3 år er minstearealet 10 dekar.
 - **For etablerte dyrkarar** som skal fornye eller utvide innan ein 3 års periode, må areala vere minimum 5 dekar for konvensjonell drift og 3 dekar for økologisk drift.Arealkrava kan unntaksvis og i spesielle tilfelle fråvikast.
- For å sikre og utvikle fruktdyrkarkompetansen, må søkjar vere medlem i fruktrådgivinga i Norsk landbruksrådgiving.
- For å sikre god kompetanseoverføring, skal nye dyrkarar ha ei fadderordning.

5. Søknad og sakshandsaming

Også for denne satsing er kommunane Innovasjon Norge si fyrsteline – både med omsyn til informasjon, rettleiing og kvalitetssikring av søknaden før han endeleg blir sendt inn elektronisk.

Innovasjon Norge handsamer alle søknader individuelt. Handsaminga skjer etter Innovasjon Norge sin policy og «Retningsliner for prioritering av bedriftsretta BU-midlar for Innovasjon Norge Rogaland 2014». Innovasjon Norge Rogaland kan i denne fruktsatsinga dispensere frå kravet om at «prosjekt må vera tilknytt ein konsesjonspliktig landbrukseigedom i aktiv drift, eller føretaket må oppfylle krava til å kunne søkje produksjonstilskot i jordbruket».

Følgjande særskild dokumentasjon må fylgje med;

- Dekningsbidragskalkyle utarbeidd av NILF www.landbruksforum.no
- 5-årig driftsplan over den totale drifta, frå det året felta er ferdige.
- Kart som viser rydding og planting.
- Kopi av fadderavtale, dersom fadderordninga inngår i kostnadsgrunnlaget. Fadderordninga administrerast av Rogaland Fruktdyrkarlag.
- For økologisk driftsopplegg må det før utbetaling dokumenterast at arealet er godkjent av Debio.

Søkjarar som vel andre salskanalar enn godkjende fruktmottak, må dokumentere at denne forma for sal gir ein trygg omsetnad til prisar som forsvarar investeringa i nytt plantefelt.